



02. juli 2026

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. 2025-imi timmisartumik ilaallutik nunanut allanut angalasut 2024-imut sanilliullugit amerlariarsimanerannut kikkut amerlariartitsisuuppat? Nunaqavissut imaluunniit nunatta avataaneersut?
2. Timmisartumik ilaallutik angalasut amerlanerulersimanerat akit apparnerannik kinguneqartitsisussanngila?
3. Naalakkersuisut isumaqanngillat silaannakkut angalanermi, ingammik nunatta iluani bilitsit akii akisuallaarujussualersut? Apeqqutiga 2026/63-mi apeqqutiga akineqanngimmat.
4. Mittarfimmut akitsuutit sutigut allannguuteqaramik?
5. Mittarfimmut akitsuutit bilitsit akitsornerinut pissutaaqataasimappata, tamatuma qanoq iliuuseqarfiginissaa Naalakkersusiut isumaliutigivaat?
6. Angalasut ornitaminnukartillutik aqputaani allamut aqqusaartariaqartarnerminni (mellemlanding) mittarfimmut akitsuutinut immikkut qaavatigut aningaasartuuteqartariaqartarnerat Naalakkersuisut qanoq nalilerpaat?
7. Timersornermut Naalakkersuisup timersortartut angalanermut aningaasartuutaat pillugit Air Greenlandimik oqaloqateqarnissaminik neriorsuutini sooruna sulii piviusunngortinngikkaa?
8. Air Greenlandi 2023-imi timersorneq kulturilerinerlugu aqputigalugit angalasuniit qanoq annertutigisumik isertitaqarsimava?
9. Air Greenlandi 2025-imi timersorneq kulturilerinerlugu aqputigalugit angalasuniit qanoq annertutigisumik isertitaqarsimava?
10. Timersoqatigiit Kattuffiata taassumalu ataani kattuffiit (specialforbund) silaannakkut angalanermut 2025-imi aningaasartuutaat 2023-imut sanilliullugit qanoq nikingatigippat?
11. Nuup avataani kulturikkut aaqqissuussanut angalanernut aningaasartuutit qaffarujussuarsimanerannut orsussap qanoq annertutigisumik akitsorsimanera Naalakkersuisut uppersarsinnaavaat? Orsussap piffissami qaffakkiartorfia nassuiaqquneqarpoq.
12. Nuummiit Københavnimut angalanerup nunatta iluani angalanermiit ilaatigut akikinnerusarnera, nunatsinni innuttaasut eqqarsaatigalugit Naalakkersuisut naapertuilluarnertut isigivaat?

(Inatsisartunut ilaasortaq Erik Jensen, Siumut)

Tunngavilersuut:

Apeqqut 2026-63-imi akissutigivarsi nunatta avataanut 2025-mi angalasut 2024-imut sanilliullugit amerleriarujussuarsimasut. Tassunga tunngatillugu soqutiginarpoq paasissallugu amerleriarnermut kikkut pissutaanersut nassuiarneqarnissaat. Tassani nunaqavissut amerliartortitsisuunersut



paaserusunnarpoq lmaluunniit nunatta avataaneersuunersut. Taamatuttaaq apeqqutigivara nunatta iluani angalanerup akisunerujussuanut Naalakkersuisut isumaqataanersut.

Mittarfiit aaqqissuussaanerisa allanngornerisigut nalinginnaalernikuvoq avannamukartussat, soorlu nunatta qeqqaniit Nuummut kujammukariarlutik aatsaat avammukartarnerat. Tamannalu innuttaasunut pisariaqanngitsumik mittarfinnut akitsuutitut akitsorsaataasarpog.

Taamatuttaaq timersortartut kulturilerisullu angalasarnerannut periarfissaq Ilik atorluarneqartartoq akissutigineqarpoq. Akissutigineqartumili maluginiagassaavoq piffissami timmisartuni inissaqarfiulluurtuni issiavinnut atorneqanngitsunut taamallaat neqeroorutaasoq.

Tassami Naalakkersuisup Air Greenlandimik ataatsimeeqateqarnissaminut neriorsuineraniit ukiup affaa qaangiussimalerpoq, apeqqusernarporlu sooq sulii ataatsimiinneq pisimannginnersoq.

Apeqqutigineqartut ullut suliffiusut qulit iluanni akeqquneqarput.